

Broj: 08-14-842-6/18
Mostar, 14.05.2018. godine

16-05-2018

Na osnovu člana 64. stav (1) tačka b) najniža cijena, člana 70. st. (1), (3) i (6) Zakona o javnim nabavkama ("Službeni glasnik BiH", broj 39/14), na preporuku Stalne komisije za javne nabavke broj: 08-14-842-5/18 od 14.05.2018. godine u postupku javne nabavke usluga kolektivnog osiguranja zaposlenih lica u Federalnom ministarstvu energije, rudarstva i industrije 24 sata dnevno za period osiguranja, uključujući i neradne dane – oznaka i naziv iz JRJN 66000000 - 0 Finansijske i osiguravajuće usluge, federalni ministar energije, rudarstva i industrije, donosi

ODLUKU

o izboru najpovoljnijeg ponuđača za usluge kolektivnog osiguranja zaposlenih lica u Federalnom ministarstvu energije, rudarstva i industrije 24 sata dnevno za period osiguranja, uključujući i neradne dane – oznaka i naziv iz JRJN 66000000 - 0 Finansijske i osiguravajuće usluge

Član 1.

Prihvata se Preporuka Stalne komisije za javne nabavke (u daljem tekstu: Komisija), broj 08-14-842-5/18 od 14.05.2015. godine i Okvirni sporazum za javnu nabavku usluga kolektivnog osiguranja zaposlenih lica u Federalnom ministarstvu energije, rudarstva i industrije 24 sata dnevno za period osiguranja, uključujući i neradne dane – oznaka i naziv iz JRJN 66000000 - 0 Finansijske i osiguravajuće usluge, dodjeljuje se ponuđaču ASA OSIGURANJE d.d. Sarajevo, sa sjedištem na adresi Trg Međunarodnog prijateljstva 25, Sarajevo, ponuda broj: I-0705/18 od 07.05.2018.godine, za ponudenu cijenu od 10.808,64 KM bez PDV-a, kao najbolje ocijenjena ponuda.

Član 2.

Prijedlog Okvirnog sporazuma dostavit će se na potpis izabranom ponuđaču ASA OSIGURANJE d.d. Sarajevo, po proteku roka od 10 dana računajući od dana kada su svi ponuđači obaviješteni o izboru najpovoljnije ponude.

Član 3.

Za izvršenje ove odluke zadužuje se Odsjek za finansijsko - računovodstvene poslove.

Član 4.

Ova odluka objavit će se na web-stranici www.fmeri.gov.ba istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke usluga kolektivnog osiguranja zaposlenih lica u Federalnom ministarstvu energije, rudarstva i industrije - Oznaka i naziv iz JRJN 66000000 - 0 Finansijske i osiguravajuće usluge, broj 08-14-842/18 od 20.04.2018. godine.

Javna nabavka je provedena putem Konkurentskog zahtjeva za dostavu ponuda s ciljem zaključivanja Okvirnog sporazuma na 2 (dvije) godine.

Procijenjena vrijednost javne nabavke bez PDV-a je 18.000,00 KM.

Obavještenje o nabavci broj 1380-7-2-17-3-8/18 poslano je na objavu dana 25.04.2018. godine.

Zahtjev za dostavu ponuda proslijeđen je na adrese tri ponuđača istovremeno sa slanjem obavještenja na Portal javnih nabavki.

Dana 14.05.2018. godine, Komisija je federalnom ministru energije, rudarstva i industrije dostavila Zapisnik o pregledu i ocjeni ponuda i Preporuku o izboru najpovoljnijeg ponuđača za nabavku usluga kolektivnog osiguranja zaposlenih lica u Federalnom ministarstvu energije, rudarstva i industrije 24 sata dnevno za period osiguranja, uključujući i neradne dane – oznaka i naziv iz JRJN 66000000 - 0 Finansijske i osiguravajuće usluge,

Komisija je blagovremeno i pravilno izvršila otvaranje ponuda i izvršila pregled i ocjenu pristiglih ponuda, o čemu je sačinila odgovarajuće zapisnike u kojima je utvrđeno sljedeće:

- da su blagovremeno pristigle ukupno četiri (4) ponude;
- da nije bilo neblagovremeno zaprimljenih ponuda;
- da su ponude ponuđača ASA OSIGURANJE d.d. Sarajevo, TRIGLAV OSIGURANJE D.D. – Podružnica Mostar, CENTRAL OSIGURANJE d.d. Sarajevo i SARAJEVO OSIGURANJE d.d.- Podružnica Mostar prihvatljive, jer ispunjavaju uslove za kvalifikaciju, propisane tenderskom dokumentacijom.

U postupku donošenja odluke posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, te pregled i ocjenu prispjelih ponuda, shodno kriteriju najniža cijena.

U postupku ocjene provedenog postupka, federalni ministar energije, rudarstva i industrije nije našao razloge nepravilnosti, niti propuste u radu, koji bi eventualno bili osnov za neprihvatanje preporuke Komisije.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač ASA OSIGURANJE d.d. Sarajevo izabran primjenjujući kriterij najniže cijene koja je ponuđena u iznosu od 10.808,64 KM bez PDV-a, dok su ostali ponuđači čije su ponude prihvatljive ponudili sljedeće cijene:

- TRIGLAV OSIGURANJE D.D. – Podružnica Mostar ukupna cijena ponude je 14.677,20 KM bez uključenog PDV-a,
- CENTRAL OSIGURANJE d.d. Sarajevo ukupna cijena ponude je 13.296,96 KM bez uključenog PDV-a.,
- SARAJEVO OSIGURANJE d.d. – Podružnica Mostar ukupna cijena ponude je 13.608,00 KM bez uključenog PDV-a.

Iz navedenih razloga, primjenom člana 64. stav (1) tačka b) najniža cijena Zakona, odlučeno je kao u dispozitivu.

POUKA O PRAVNOM LIJEKU:

Ponudač koji je učestvovao u postupku nadmetanja može, radi zaštite svojih prava i pravnih interesa, izjaviti žalbu Federalnom ministarstvu energije, rudarstva i industrije u roku od 5 (pet) dana od dana prijema ove odluke.

MINISTAR

Nermin Džindić



DOSTAVITI:

- ASA OSIGURANJE d.d. Sarajevo
- TRIGLAV OSIGURANJE D.D. – Podružnica Mostar
- CENTRAL OSIGURANJE d.d. Sarajevo
- SARAJEVO OSIGURANJE d.d. – Podružnica Mostar
- evidenciji
- a/a